

**INUIT PISINNAATITAAFFII PILLUGIT SIUNNERSUISOQATIGIIT
SULERIAASIAT**

Akuerineqartoq februaarip 9-ani 2020, novembarip 19-ani 2020, apriliip 9-ani 2021
amma juunip 7-iani 2023

Aallaqqaasiut

Inatsisartut inatsisaanni nr. 20, 27. november 2018-imeersumi (Inatsit) § 7, imm. 2
naapertorlugu Inuit Pisinnaatitaaffii pillugit Siunnersuisoqatigiivisa (Siunnersuisoqatigiit)
suleriaasissaannut killissarititaasut matumani suleriaasissami aalajangersarneqarput.

Kapitali 1

Siunertarineqartut, suliassaat taaguutaalu

§ 1. Inuit Pisinnaatitaaffii pillugit Siunnersuisoqatigiit arlaannaannulluunniit
attuomassuteqanngillat inuillu pisinnaatitaaffii pillugit ataatsimut isigalugu ilisimasani
piginnaasanillu annertusaanermut suleqataanissaat siunertarineqarpoq, tak. Inatsimmi §
1. Inuit Pisinnaatitaaffii pillugit Siunnersuisoqatigiit suliassaraat inuit pisinnaatitaaffiisa
siuarsarneqarnissaat illersorneqarnissaallu, tak. suliassat Inatsimmi § 2-mi allassimasut.
Imm. 2. Siunnersuisoqatigiit naammagittaalliutunik ataasiakkaanik suliaqarneq ajorput.

§ 2. Siunnersuisoqatigiit Inatsit naapertorlugu Inuit Pisinnaatitaaffiit Kalaallit Nunaata
Siunnersuisoqatigiivini taaguuteqarput.
Imm. 2. Siunnersuisoqatigiit taaguutaat uku avammut saqqummernermin sapinngisamik
atorneqassapput: Inuit Pisinnaatitaaffii pillugit Siunnersuisoqatigiit imaluunniit
Siunnersuisoqatigiit.

§ 3. Siunnersuisoqatigiit naapertuilluarlutik ilisimasatillu tunngavigalugit sulisarnissaasa
qulakkeernissaa siunertaralugu suleriaaseq una atuuppoq, amma Siunnersuisoqatigiinni
akerleriittoqaraluarpuunniit.
Imm. 2. Suleriaaseq una Siunnersuisoqatigiinni ilaasortanngorlaat Siunnersuisoqatigiit
suleriaasiannik paasinnilluarnissaannut ajornannginnerulersitseqataassaaq.

Kapitali 2

Aaqquussaaaneq, pisussaaffeqarneq aalajangiisinnaatitaanerlu

§ 4. Siunnersuisoqatigiinni siulittaasoq taasisinnaasunit nalinginnaasumik
amerlanerussuteqartunit taaneqarnermigut ukiunut marlunnut toqqarneqartassaaq, tak.

Inatsimmi §7, imm.1.

Siunnersuisoqatigiit siulittaasup qinigaaffiani siulittaasup tullianik aamma taasisinnaapput. Siulittaasoq siulittaasullu tullia ilaasortanit Inatsisartunit toqqakkanit taamaallaat toqqarneqarsinnaapput.

Imm. 2. Siunnersuisoqatigiit siulittaasuata Siunnersuisoqatigiit sulinerat aqussavaa Siunnersuisoqatigiinnullu avammut sinniisuussalluni. Ileqqussarititaasut tamarnik inatsisunik malitseqartut kiisalu suleriaatsip matuma malinneqarnissaa siulittaasup nakkutigissavai.

Imm. 3. Siunnersuisoqatigiit siulittaasup tullianik taasisimappata taassuma siulittaasoq ikiortassavaa. Siulittaasup peqataasinnaanginnerani siulittaasup tullia siulittaasoq sinnerlugu Siunnersoqatigiinni siulittaasutut paarlattaassaaq avammullu sinniisuussalluni.

Imm. 4. Siunnersuisoqatigiit ilaasortaasa 13-iusut ilaat ikinnerpaamik arfineq marluk siulittaasup qinigaaffiata naanginnerani peersinneqarnissaanik kissaateqarunik tamanna pillugu siunnersuisoqatigiit ataatsimiinnissaanik pilersaarutigineqartumut siullermut oqaluuserisassanut ilanngunneqarnissaa piumasarisinnaavaat, imaluunniit siunnersuisoqatigiit immikkut ittumik ataatsimiinnissaat piumasarisinnaavaat, tamanna pillugu oqaluuserisassanut ilanngussinermikkut. Siunnersuisoqatigiit ilaasortaasa taasisinnaasut 2/3-liisa amerlanerussuteqarlutik siulittaasoq peersissinnaavaat, Inatsimmi § 7, imm. 1 takuuk. § 18, imm. 2 naapertorlugu allakkatigut taasisoqassaaq.

§ 5. Siunnersuisoqatigiit ulluinnarni aqutsisunik (UA) taasisapput.

Imm. 2. Uku UA-mi ilaasortaatinneqassapput: Siulittaasoq Siunnersuisoqatigiinnilu ilaasortat allat marluk, taakkunani aappaa tassaassalluni siulittaasup tullia, taassuminnga taasisoqarsimappat, tak. § 4, imm. 1.

Imm. 3. Ulluinnarni aqutsisut peqanginnerani taarsiisussaq ad hoc-mik taaneqartassaaq.

Imm. 4. UA-p Siunnersuisoqatigiinni ulluinnarni aqutsinermut qulakkeerisuunissi suliassaraa. UA Allattoqarfik suleqatigalugu Siunnersuisoqatigiit iliuusissatut pilersaarusiatus aalajangersagaat naapertorlugu tigussaasumik iliuuseqartassaaq, kiisalu tapiissutit annertussusaat naapertorlugit tulleriaralutik suliniuteqartassaaq. Allatseqarfiup ulluinnarnilu aqutsisut akornanni qaammammut ataasiarluni pisariaqartitsinerlu naapertorlugu ataatsimiinnissat aalajangersagaapput.

§ 6. Siunnersuisoqatigiit taakkua sinnerlugit allaffitsigut aqutsisoqarfiusumik taakkununngalu kiffartuussiviusumik namminneq allattoqarfeqarput, tak. Inatsimmi § 8. Siunnersuisoqatigiinni ingerlatsineq, sammisat suliniutillu piviusunngortinneqarnissaat allatseqarfimmit isumagineqarput, taakkulu ingerlanneqarnissaanik inerisaanissamillu, ulluinnarni aqutsisut qanimut suleqatigalugit qulakkeerinissamut pisinnaatitaaffeqarluni. Ataavartitsineq, ilisimasanik inerisaaneq, Kalaallit Nunaanni inuit pisinnaatitaaffiinik suliaqarnermut tunngatillugu, allatseqarfiup sammisani taakkunani peqataanissaanik isumaginninnissaanillu pingaartitsinikkut toqqammavissineq, Siunnersuisoqatigiit qulakkiissavaat.

Siunnersuisoqatigiinni suleqatigiissitani/sinniisuni naapertuuttuni, Siunnersuisoqatigiit sammisaanni peqataatitsinissaq allatseqarfimmit isumagineqassaaq. Piffissaliussap iluani akissuteqannginnerup akuersinertut

paasineqarnissaanik atuutilersitsinikkut, inuit pisinnaatitaffii pillugit suliat ingerlanneqarnissaat, Siunnersuisoqatigiinnit qulakkeerneqassaartaaq. Siunnersuisoqatigiinni ilaasortat suliaat allat ulapinnerlu eqqarsaatigalugit taamaaliortoqassaaq.

Imm. 2. Siunnersuisoqatigiit namminneq allaffimmik aqutsisussamik allanillu sulilertitsillutillu sulinnaarsitsisassapput.

Imm. 3. Ilinniakkamut naapertuuttumik ikiortitut sulisut, kajummissutsimik sulisut, suliffimmillu misiliisut saniatigut atorfinitsitsisoqarniartillugu Siunnersuisoqatigiit atornitsitsisartussanik suleqatigiissitaliussapput.

Imm. 4. Allatseqarfimmi sulisut Namminersorlutik Oqartussani qitiusumik allattoqarfimmi atorfilinnut atugassarititaasutut atuuttut naapertorlugit atorfinitsitaapput.

§ 7. Aningaasartuutit nalinginnaasumik ingerlatsinermut attuumassuteqartut aningaasartuutissatullu missingersuutit akuerisat saniatigut, Siunnersuisoqatigiit aningaasartuutissanut allanut tamanut aalajangiisarput. Taamaalillutik Siunnersuisoqatigiit tassaapput aningaasanik atorniarnissamut pigisanillu nalilinnik pisinissamut, tunisinissamut imal. sallunaveeqquusiinissamut aalajangiisinnaasutuat.

Imm. 2. Siunnersuisoqatigiinni ilaasortat arlaannaalluunniit Siunnersuisoqatigiit akiligassaannik nammineq akiliinissaminut pisussaaffeqanngilaq.

§ 8. Siunnersuisoqatigiinniit avammut nalunaaruteqarlutik siulittaasoq ilaasortarlu ataaseq atsiortassapput.

Imm. 2. Aningaaseriviup nittartagaatigut akiliinerit inuit ukua arlaannit marlunnit taamaallaat isumagineqarsinnaapput; siulittaasoq, allattoqarfimmi pisortaq aamma naatsorsuusiortoq avataaneersoq.

Imm. 3. Naatsorsuusiortup avataaneersup akiligassat allagartai aningaaseriviup nittartagaani ikkutissavai, taakkunungalu siullertut akuersisartuulluni. Taamaattoq akiliinerit missingersuutini allassimasut siunnersuisoqatigiit akuerisimasaat aammalu ulluinnarni aqutsisut qaammatikkaartumik missingersuutini malinnaaffigisai kisimik tassani pineqarput.

Imm. 4. Aningaasartuutit missingersuutini allassimanngitsut tamaasa aammalu angalanerit tamaasa inniminnerneqannginnerini ulluinnarni aqutsisut akuerissavaat.

Imm. 5. Viinninik, imigassanik aalakoornartortalinnik tupanillu pisisoqaqqusaanngilaq.

Imm. 6. Allattoqarfimmi pisortaq kortimik akiliuimmik tunineqarsinnaavoq. Korti akiliut nalinginnaasumik ingerlatsinermut atatillugu akiliinernut taamaallaat atorneqaqqusaavoq.

10.000 koruunit sinnerlugit akiliinerit inummit allamit aamma uppersarlugit atsiorneqassapput, tak. imm. 2.

Kapitali 3 Aningaasaqarneq

§ 9. Nunatta Karsianit tapiissutit Inatsimmi § 9, imm. 2-mi taamaallaat allassimasut malillugit atorneqassapput.

§ 10. Inatsimmi § 11 naapertorlugu Siunnersuisoqatigiit Naalakkersuisunut ukiumi naatsorsuiffiusumi missingersuusiornermut siunnersuutitik ukiut tamaasa kingusinnerpaamik apriliip ulluisa 15-ianni saqqummiisassapput. Siunnersuutit saqqummiussaata isertitassat aningaasartuutissallu missingersuusiornemannik, kiisalu Nunatta Karsiata ukiumi naatsorsuusiornermut taaneqareersumut tapiissutigineqartussat annertussusissaat pillugit siunnersuutitik, ilaqassapput.

Imm. 2. Allattoqarfik missingersuutit malitseqartinnerat pillugu ataatsimiinnerit tamaasa saqqummiisassaaq.

§ 11. Inatsimmi § 12, imm. 1 naapertorlugu ukiumi naatsorsuusiornermut ukiumut naatsorsuusiortoqartassaaq.

Imm. 2. Allattoqarfik Siunnersuisoqatigiit sinnerlugit naatsorsuusiortassaaq.

Imm. 3. Allattoqarfik kukkunersuisumik naatsorsuusiortoqartassaaq avataaneersumik ikiortiserinnissinnaavoq.

§ 12. Ukiumut naatsorsuusiortoqartassaaq Nunatta Karsiata ukiumut naatsorsuusiortoqartassaaq kukkunersuisumit kukkunersuusiortoqartassaaq, tak. Inatsimmi § 12, imm. 2.

Imm. 2. Allattoqarfiup ukiumut naatsorsuusiortoqartassaaq kukkunersuisumut ukiortaap kingorna sapinngisamik piaarnerpaamik nassiutissavai.

Imm. 3. Inatsimmi § 12, imm. 3 naapertorlugu Siunnersuisoqatigiit naatsorsuutit kukkunersuusiortoqartassaaq avataaneersumit sap. akunneri sisamat qaangiutsinnagit nittartakkaminnut tamanut saqqummiutissavaat.

Kapitali 4 Ataatsimiinnerit

§ 13. Inatsimmi §7, imm. 3 naapertorlugu ikinnerpaamik ukiumut marloriarluni ataatsimiittoqartassaaq. Siunnersuisoqatigiit ataatsimiiffissaat pilersaarusiorneqassapput, allattoqarfillu ataatsimiinnissaq sap. akunneri 6-inik sioqqutsilluni ataatsimiigiaqqusisassaaq.

Imm. 2. Immikkut illuinnartumik aatsaat pisoqartillugu ataatsimiinnerit Nuup avataani pisarsinnaapput.

Imm. 3. UA-p aalajangersinnaavaa, ilaasortat Siunnersuisoqatigiit ataatsimiinneranni oqarasuaatikkut isiginnaarutikkulluunniit peqataassasut.

Imm. 4. Ataatsimiinnermi kalaallisut danskisullu oqaatsit atorneqassapput.

Imm. 5. Ataatsimiinnermi tullermi oqaluuserisassat allattoqarfiup ataatsimiinnissaq kingusinnerpaamik ullunik 14-inik sioqqullugu nassiutissavai, ullormullu oqaluuserisassat

minnerpaamik makku imarissavaat:

- 1) Oqaluuserisassat akuerineqarnerat
- 2) Kingullermik ataatsimiinnermit imaqarniliap akuerineqarnera
- 3) Siunnersuisoqatigiit suliaasa killiffiat
- 4) Aalajangiiffigisassat
- 5) Taasariaqartut allat

Atortussat- ilaatigut aningaasartuutissatut missingersuutitut malitseqartitsineq, suliniutitut malitseqartitsineq, iliuusissatut siunniussat assigisaallu ingerlatsinermut tunngasut allaffissormikkut akuerisassat, kingusinnerpaamik Siunnersuisoqatigiit ataatsimiinnissat ullunik 14-inik sioqqullugu nassiunneqareersimassapput.

Imm. 6. Oqaluuserisassatut siunnersuutit ataatsimiinnissaq kingusinnerpaamik sap. akunneri sisamat sioqqullugu allattoqarfimmut nassiunneqassapput, tamatuma kingorna UA allattoqarfik suleqatigalugu oqaluuserisassat pillugit siunnersuusiusaaq.

Imm. 7. Ataatsimiinnerit imaqarniliassaannut siunnersuummik allattoqarfik suliaqartassaaq, siulittaasorlu isumaqatigiissuteqarfialugu siunnersuut siunnersuisoqatigiinni ilaasortanut tamanut nassiuttassavaa.

§ 14. Siunnersuisoqatigiit ataatsimiinnerit tamanut ammasuunissaanik aalajangiisnaapput, tak. Inatsimmi § 5, imm. 3.

§ 15. Siunnersuisoqatigiit ukiumi ataatsimiinnermi siullermi ukiumoortumik pilersaarussiaq ukiumi pineqartumi suliaasaat siunnersuisoqatigiit aalajangersartassavaat.

Imm. 2. Ukiumoortumik pilersaarutissamut siunnersuut Siunnersuisoqatigiinni ilaasortanit inassuteqaatit aallaavigalugit allatseqarfimmit suliarineqartassaaq, ullormullu oqaluuserisassanut ilanngullugu nassiunneqartassalluni.

Imm. 3. Ukiumoortumik pilersaarutip iluaniippoq Siunnersuisoqatigiit suliaasatut aalajangiussaannik naammassinninnissamut suleqatigiissitatut pilersinneqarsimasinnaasunut innersuussutit.

Imm. 4. Siunnersuisoqatigiit ataatsimiinnerisa naammassineranni suliniutissanik nutaanik aallartitsinissamut aalajangiisnaapput, tamatumani suleqatigiissitanik pilersitsisnaaneq ilanngullugu.

§ 16. Attaveqaqatigiinnerit, ataatsimiigiaqqusinerit, ullormut oqaluuserisassanik nassiussinerit il.il. Tunngaviusumik qarasaasiatigut pisarput. Siunnersuisoqatigiinni ilaasortat humanrightsmail-iminnik atuinissamut pisussaaffeqarput (aalajangersimasumik ilaasortat tamatumani mininneqarsinnaapput). Humanrightsmailimik mailimut allamut kissaatigisamut atassusiinissamut allatseqarfik ikiuussinnaavoq. Siunnersuisoqatigiinni ilaasortat Humanrights mailiminni Siunnersuisoqatigiillu suliaannut malinnaanissaat naatsorsuutigineqarpoq.

§ 17. Siunnersuisoqatigiit ataatsimiinnissaanni peqataasinnaangikkaanni allattoqarfimmut nalunaarutigineqassaaq

§ 18. Siunnersuisoqatigiit aalajangingaat isumaqatigiinnermik tunngavilerneqartassapput.

Imm. 2. Siunnersuisoqatigiit suleriaasertik malillugu taasinikkut aalajangiisussaattillugit ilaasortap taasisinnaatitaasup ataatsip kinaassutsimik isertuussilluni taasisoqarnissaa piumasarisinnaavaa.

Imm. 3. Siunnersuisoqatigiit siulittaasussamik, siulittaasup tullissaanik, ulluinnarnilu aqutsisuni ilaasortat pingajussaannik kiisalu Inuttut Pisinnaatitaaffinnut Instituttimit (IMR) siulersuisunut ilaasortassamik qinersissapput.

Imm. 4. Qinersinermi aalajangiineq amerlanerussuteqarnikkut pissaaq.

§ 19. Siunnersuisoqatigiit aalajangiisinnaassuseqartarput ilaasortat taasisinnaatitaasut affaat sinnerlugit ataatsimeeqataappata, tassani ataatsimiigiaqqusinermit il.il. malittarisassat malinneqarsimagaangata.

§ 20. Inatsimmi § 7, imm. 4 naapertorlugu Siunnersuisoqatigiit ataatsimiittarnerisa saniatigut soqutigisaqaqatit ikinnerpaamik ukiumut ataasiarluni ataatsimeeqatigineqartassapput.

Imm. 2. Inuit pisinnaatitaaffii pillugit soqutigisaqaqatinik oqaloqateqartarnissaq qulakkeerumallugu ataatsimeeqatigineqartassapput. Ataatsimeeqatigineri Siunnersuisoqatigiit aallussaannik suliniutaannillu ineriartortitsinermut iluaqutaassapput. Siunnersuisoqatigiillu inuit pisinnaatitaaffii pillugit iliuusissatut pilersaarusernerannut aamma iluaqutaassapput.

Imm. 3. Ataatsimiinnermi, Kalaallit Nunaanni pissutsini inuit pisinnaatitaaffiinut pingaarutilinni tamani paasisimasat assigiinngitsut sinniisuuffigineqarsinnaanngorlugit, ilinniakkat akimorlugit sinniisoqarnissaq, Siunnersuisoqatigiinnit qulakkeerneqassaaq.

Imm. 4. Soqutigisaqaqatinik tusagassiuutit naleqquttut aqqutigalugit ataatsimiigiaqqusinerit ataatsimiinnissat sap. akunnerit marluk sioqqullugit pisassapput.

Kapitali 5

Tamanut ammasuuneq

§ 21. Siunnersuisoqatigiit suliaat sapinngisamik inuiaqatigiinnut ammasuutinneqassapput.

Imm. 2. Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi nipangiussisussaataaneq pillugu kapitali 8 naapertorlugu paasisutissat allanut tusarluuteqqusaanngitsut siulittaasup nalilerpagu, siunnersuisoqatigiinni ilaasortat ilaasortaanerminni paasisutissanik ilisimasaqalernertik eqqarsaatigalugu nipangiussisussaataapput. Nipangiussisussaataaneq allatseqarfimmissaaq sulisunut atuuppoq.

§ 22. Ukiumi ataatsimiinnermi siullermi ukiup siuliani Siunnersuisoqatigiit suliarisimasaat pillugit ukiumoortumik nalunaarusiassamut siunnersuut siulittaasup saqqummiutissavaa.

Ukiumoortumik nalunaarusiaq Siunnersuisoqatigiinnit akuerineqarpat, nalunaarusiaq tamanut ilisimatitsissutigineqassaaq, tak. Inatsimmi § 13.

Kapitali 6

Ilaasortat pisussaaffii, suliame peqataasinnaanginneq ilaasortaajunnaarnerlu

§ 23. Siunnersuisoqatigiinni ilaasortaaneq akissarsiaqaataangilaq, kajumissutsimillu suleqataanermik tunngaveqassalluni.

§ 24. Siunnersuisoqatigiinni ilaasortat Siunnersuisoqatigiit sulineranni taakkualu anguniagaasa angunissaannut eqeersimaartumik suleqataassapput, tak. § 1.

Imm. 2. Ilaasortap Allattoqarfik Siunnersuisoqatigiit sulinerannik aallussaannillu pilersaarusoqatigilluassavaa.

Imm. 3. Ilaasortaq immikkut piginnaasaqarfini aallaavigalugu ilisimasani tunngavigalugit suleqataassaaq.

Imm. 4. Ilaasortaq Siunnersuisoqatigiit suliannut akerliusumik allanik suliaqarpat Siunnersuisoqatigiinnit ilaasortaajunnaartariaqarpoq.

Imm. 5. Siunnersuisoqatigiinni ilaasortatut sulinermi tamatumalu avataani piumasaqaataasumik ataqqinassusilimmik pissusilersussapput.

§ 25. Siunnersuisoqatigiinni taasisinnaatitaasutut ilaasortap suliassaq pineqartumit peqataaffigineqarsinnaanera pillugu qularnartoqarpat, taava suliap sularalugu aallartinneqannginnerani pineqartup siunnersuisoqatigiit nalunaarfigissavai.

Imm. 2. Suliame peqataasinnaanginneq pillugu apeqqut Siunnersuisoqatigiit taasinikkut aalajangiiffigissavaat.

Imm. 3. Suliame peqataasinnaanginneq pillugu apeqqut oqaluuserineqarsimappat siunnersuisoqatigiit aalajangiinerat imaqarniliame takuneqarsinnaassaaq.

Imm. 4. Ilaasortaq allaluunniit suliame peqataasinnaangitsutut oqaatigineqartoq suliame atattillugu oqallinnermut peqataassangilaq, suliallu sularineqarnerani ataatsimiiffik qimassallugu.

§ 26. Inatsimmi § 3, imm. 3 naapertorlugu Siunnersuisoqatigiinni ilaasortaatitaasuni quliusuni arlaat toqqagaaffigisani suli qaangiutinngitsoq Siunnersuisoqatigiinni ilaasortaajunnaarneri kissaatigippagu tamanna Siulittaasumut allatseqarfimmullu nalunaarutigissavaa.

Imm. 2. Ilaasortaajunnaarusulluni nalunaartup ilaasortaajunnaarnera Allattoqarfiup Inatsisartut Allattoqarfiannut nalunaarutigissavaa.

Imm. 3. Inatsimmi § 4, imm. 3 naapertorlugu Inatsisartut ilaasortaajunnaartup toqqagaaffiata qaangiunnissaata tungaanut ilaasortaasussamik laasortanngortussatut innersuussat ilaannik toqqaassapput, tak. Inatsimmi § 6.

Kapitali 7

Atuutilerfia allannguutillu

§ 27. Suleriaaseq una 2023-mi aggustip ulluisa aallaqqaataanni allaffissornikkut akuersissutigineqarneragut atuutilissaaq.

Imm. 2. Suleriaatsimik allannguinnissat marlunnik pingajorarterutaannik

amerlanerussuteqarnikkut aalajangiunneqarsinnaapput, taakkualu akuersissutaaneranniit atuutilissapput.

§ 28. Suleriaatsip matuma imarisai, Siunnersuisoqatigiinni ilaasortaangitsut Siunnersuisoqatigiit suliaannik suleriaasiannillu paasisaqarluaqqullugit, Siunnersuisoqatigiit nittartagaanni tamanut saqqummiunneqassapput.

Siunnersuisoqatigiinnit akuersissutaasoq: XX

Nutarterneqartoq: 9. februar 2020, 19. november 2020, 8. april 2021 kiisalu 7. juni 2023

Qivioq Løvstrøm	Katrine H. Nathanielsen	Carl Christian (Puju) Olsen
Sara Olsvig	Aviâja Egede Lynge	Anja Hynne Nielsen
Arnajaaq Lynge	Lise Mørup Dalsgaard	Gujo Thorsteinsson
Daniel Thorleifsen	Kaj Kleist	Stinus Silassen
Britta Kiildsen	Inga Egede	